



UNIVERSITÄTS-  
BIBLIOTHEK  
PADERBORN

**S. Augustinus, Episcopus in Africa Hipponeñsis, Veritatis  
Evangelico-Catholicæ In Potioribus Fidei Controversiis  
Testis Et Confessor, Contra Bellarminum Et Alios  
Scriptores Papæos, antiquos pariter & ...**

**Reiser, Anton**

**Francofurti, 1678**

Liber Quartus, De Anima Christi

---

[urn:nbn:de:hbz:466:1-72506](https://nbn-resolving.de/urn:nbn:de:hbz:466:1-72506)

## LIBRI QUARTI,

DE

ANIMA CHRISTI,  
CAPUT TERTIUM ET QUINTUM,

DE

*Scientia Anima Christi.*

**C**irca cujus descriptionem meminit antiquæ hæreses *Agnoetarum*, quam Lutherò etiam expresse adtribuit, ac contra eam post Scripturarum, ex Patrum quoque testimonis & doctrinâ agit, utrobique in primis ad Augustini provocans autoritatem. Quid circa hanc Questionem controversam vel de ipso *Agnoetismo*, hæresi non omnibus æqualter cognitâ, vel de Sententiâ Evangelicorum ab eo plurimum distante, notandum sit necessariò, in Vindictis Evangelico - Thomisticis pro *D. Dorscheo*, è *D. Dorscheo* Praeceptore meritissimo ut plurimum collectis non ita pridem sufficien- ter ostensem, ut prolixâ repetitione hic supersedere, Lectoremque benevolum labo- re relegendi liberare nobis fit licitum. Illud hic tantum jure talionis indè venit repeten- dum, quod, dum Bellarminus *Lutherum* iniquissimè tanquam hæresos Agnoeticæ de- fensorem traducit, ii potius patrocinium erroris hujus in se dici debeant suscipere, qui- cunque negant, verum & æternum DEI Filium adsumtæ humanæ Naturæ communi- calle infinitam Majestatem & Perfectionem Omnisapientiæ Divine; adeoque Pon- tifici in Agnoetarum opinione stantibus suis hypothesibus profundissimè & inevitabili- liter hæreant, idè p̄primis, quia ipsam Divinam Sapientiam & Scientiam infinitam adsumtæ humanæ Naturæ communicatam esse negant, id quod ibi ex ipsis Scriptoribus Papaz Orbi Evangelico verè orthodoxo est expositum. Nunc portò videamus, quid Augustinus juxta Sententiam Bellarmini contra nos habeat. Eius quidem in antecedente secundo capite jam meminit, sed eo usus testimonio, quod in hoc capite ter- tio recutrit, alio quodam p̄missio, quo Augustinus explicasse dicitur illa Lucæ Verba, quibus Christum Sapientiæ etiam profecisse scripsit, hunc in modum: *Quis est, qui au- deat dicere, Dominum Christum majoribus tantum, non etiam parvulis esse Iesum, qui venit, & in similitudine carnis peccati, ut evacuaret corpus peccati, in quo infirmissimo nulli usui con- gruus vel idoneis infantilibus membris anima rationalis miserabilità ignorantiâ pregravatur;* Lib. II. de peccat. merit. & remiss. cap. 29.

quam ignorantiam nullo modo crediderim fuisse in Infante illo, in quo Verbum caro factum est, ut habitaret in nobis, nec illam ipsius animi infirmitatem in Christo parvulo fuerim su- spicatus, quam videmus in parvulis. Per hanc enim cum motibus etiam irrationabilibus per- turbabant, nulla ratione & imperio, sed dolore aliquando vel doloris terrore cohibentur, ut omnino videas illius inobedientie filios, qua movetur in membris repugnans legi mentis, nec cum vulneratio, conquescit, verum & ipsa sapè vel dolore corporis tanquam vapulando com- pescitur, vel pavescendo, vel tali aliquo animi motu, non voluntate tamen præcipiente compri- mitur. Prolixius, quam Bellarminus exhibet, antecedentia & consequentia omit- tendo, hæc Augustini Verba debuerunt exscribi, ut ed melius eorundem sensus & Vid. D. Sancti Patris sententia percipiatur, qui nihil aliud hic significat, quam in JESU infante Dorsch. Theol. Zachar. c. non fuisse peccaminofam & miserabilem ignorantiam, qualis est in parvulis inobedien- tia à Protoplæstis derivatae filii, vitiosis atque inordinatis moribus sese ostendens, ubi 9. n. 259.

est repugnantia Legis juxta Paulum, quem ignorantiam Evangelicos Christo infanti adscribere, nemo in Scriptis eorum versatus sine calumniæ notâ dicere audebit. Quod verò Augustinus verbis proximè sequentibus addit: *Quia in Eo erat Similitudo car- nis peccati, mutationes etatum perpeti voluit ab ipsa exorsus infantia, ut ad mortem videa- tur etiam senscendo pervenire illa caro potuisse, nisi juvenis fuisse occisus; malè à Bellar- mino intelligitur, immo mens Augustini non parum invertitur, dum Verba Lucæ de in- cremento Christi ab Augustino existimat explicata, scribens, Augustinum etate solum concedere Christum profecisse, & mutationes passum, non autem in dotibus Anime; cuius tamen rei nulla planè in verbis Augustini occurrit mentio, ac particula hæc exclusiva Solūm Bellarmini sit additamentum.*

Sequitur nunc alterum Augustini testimonium, ex quo Bellarminus contra Evangelicorum Sententiam de incremento Sapientiae egit, & repetit quidem vice, Lib. 15. de quo Sanctus Pater scripsit, *Absurdissimum esse, dicere, Christum anno Aetatis trigesimo Spiritum S. accepisse, cum Præcursor Ejus acceperit in Vero Matri suo.* At neque hoc contra Evangelicos, quorum in hoc Fidei punto juxta S. Scripturæ dictum, & ad orthodoxæ Antiquitatis sensum constans doctrina hæc est, Christum à primo Unionis momento potestatem & Majestatem Omnipotentiae ex Unione personali secundum Humanam Naturam habuisse quidem, non verò semper, & incessanter, & universaliter eandem usurpasse, de quâ in citatis supra *Vindictis Evangelico-Thomisticis ex D. Dörscheo* observatum fuit, in his terminis contra Agnoetas disputasse Patres orthodoxos, qui cunque non ex defectu communicatae Majestatis Omnipotentiae, sed ex spontaneâ Exinanitione sine peccato ignorantiam quatundam rerum ipsi Christo tribuunt, *Vasquezio* pro hac sententiâ ex Patribus Græcis citante *Athanasiu[m], Origenem, Cyrillum*, quibus adjungendi, *Theodoretu[m], Gregorius Nyssenus, Epiphaniu[m]*, & ex Latinis *Ambrosiu[m]*, cuius Verba etiam ad Oraculum Lucæ ibidem leguntur, adque alia fit remissio, cum pluribus ad Evangelicorum Sententiae orthodoxam Sinceritatem contra Bellarmi[n]i & aliorum accusationes vindicandanam pertinentibus. Quia vero præter illud ad susceptam à Christo liberè in Statu exinanitionis ignorantiam porrò demonstrandam adhiberi solet, id quod Christus de scipio affirmavit, *quod diem ultimi adventus nesciat*, Bellarminus opponit in hujus Oraculi Explicatione Augustini autoritatem, cum aliis quibusdam Patribus statuerint, *quod filius dicitur nescire, quia non sciebat ad dicendum alii, & quia eos faciebat nescientes.* Ethanc Explicationem dicit esse *ad propositum hujus loci, in quo Dominus reddere voluerit causam, cur non manifestet eum diem, & dixerit causam esse, quia non sciat, id est, non didicerit hoc à Patre, ut revelaret alii, sed ut sibi Secretum hoc servaret.* Non mirum videri debet, Bellarmino hanc Augustini Explicationem præ aliis placuisse, cum tales reservationes mentales, qualis Christo hic adscribitur, utramque in modernâ *Morali Theologiâ* faciant & occupent paginam, de quibus infra fortè aliquid ex occasione erit dicendum. Nunc id circa Verborum Christi sensum notari debet, Bellarminum quatuor diversas eorum numerare Expositiones, omnes Patrum authoritatibus fultas, primam Gregorii Magni, statuentis, *Christum non in suâ, sed Ecclesie persona diem ultimi Adventus sui nescire, quia multa, quia dicuntur de Christo, non de eo tantum capite, sed de corpore Ejus intelligantur;* secundam ejusdem Gregorii, nec non Ambrosii, Nazianzeni, Cyrilli, *quod Christus homo dicitur nescire eum diem, quia non sciverit, ut homo id est, scientia humana, sed Divina revelatione seu infusione;* tertiam Epiphani, Chryostomi, Bernhardi, *quod dicitur nescire, quia non sciverit prædictæ;* quarto modo Adam dicitur ante peccatum non scivisse bonum & malum; quartam postremò Augustini, ut & Gregorii, Ambrosii, Hieronymi, Chryostomi, Theophylacti, Basili &c. Meum jam non est, quatuor has Patrum Explicationes à Bellarmino adductas inter se conserne, & quænam inter eas quam-maxime sit probabilis ostendere, aut num Bellarminus in eorum recensione fidem præstiterit, curiosius inquirere, utpote quod utrumque prolixioris est operæ & alienioris ab instituto. Sufficiat in præsenti ex D. Dörschei observatione breviter indicasse, *Vasquezium* in discussione hujus Quæstionis fateri, fuisse aliquos Patres in hâc Sententiâ, ut Christo aliquam hujus diei ignorantiam tribuerent, in specie *Originem, Athanasiu[m], Cyrillum Alexandrinum*, quorum testimonia prolixius ibidem adducuntur, id quod monere nos potest, Bellarminum studiò quintam omisisse hujus Oraculi Explicationem, ut non planè nullorum Patrum authoritate manutam, cum præviderit, esse eam in favorem Evangelicorum, quos tamen omnibus modis repellere, ac præsidio Patrum nudare in animum induxit.

## CAPUT SEXTUM &amp; seqq.

De

*Descensu Christi ad Inferos.*

**P**rolixissimè & per undecim capita hanc Quæstionem tractat Bellarminus, quam nos ed brevius percurrentes, ea tantum & hic sub Examen vocabimus, quousque Augustini authoritas duce iterum Bellarmino nobis ansam præbebit. A Principio autem monet statim Bellarminus, hunc de Descensu Christi ad Inferos articulum non fuisse in Symbolo, quod dicitur *Apostolorū*, apud omnes Ecclesiæ. Nā præter *Irenicum, Origenem,* Ter-

*Tertullianum* in explicandâ Fidei regulâ ab Apostolis traditâ nullam hujus Articuli mentionem facientes , Augustinum quoque Symbolum hoc quinques exponentem ejus nunquam meminisse. Verum post alios monuit nuper B. Carpovius , præter Ruf. in Iag. p. finum, cui Bellarminus *Cyrillum Hierosolymitanum & Chrysostomum* jungit, Aquilegiense 4<sup>o</sup> conf. D. Dannh. Symbolum in specie illum exhibere ; hanc verò variationem non probare , al. ætate Christ. Apostolorum hanc de Descensu Christi ad Inferos doctinam non viguisse in Ecclesiâ, Art. I. sed hoc tantum indè colligi , *Symbolum hoc prioribus Seculis non fuisse uniformiter recitatum.* De cætero dogma hoc de Descensu Christiad Inferos, tam Passioni , quam Sepultura contradictionem , ab Apostolorum ætate in Ecclesiâ fuisse propositum , ex ipsiis Patrum testimoniis posse probari, quorum pleraque Bellarminus etiam infra suo ordine adducit, Augustinum quoque iis adjungens, ut mox porrò videbitur. Nunc quoad ipsam hujus Articuli expositionem satis diversam, prætermis sà cù, quam Brentio per calumniam attribuit, Eadem idè Athelimum impingens , de secundâ aliquid breviter dicendum, quia Augustini intercedit autoritas. Adscribit eam Calvinus , non uno in loco docenti, *Christum dici ad Inferos descendisse, quia passus sit dolores animarum damnatarum.* Evangelici quidem hanc Calvini Sententiam non faciunt tuam, Bellarmino consentientes, Patres, qui Descensum Christi ad Inferos describunt, describere ut *Descensum Victoris & Triumphantoris*, non ut alicujus rei, & passionibus adhuc obnoxii. Sed quia & Melanchthonis & Brentii iterum facit mentionem, statuentium, *Christum gravissime lucatum cum temptationibus de abjectione, immo passum esse dolores Inferni* , Augustini & aliorum Patrum opponens autoritatem, idè tribus quod ajunt verbis ostendendum, quid hæc de re sit sentiendum. Nimis, quod repetitæ vice indicandum est, nihil Evangelicis rei vel commune est cum hæc Calvinus & sequacium opinione de Descensu Christi ad Inferos, quatenus eum Passionibus adscribit ; & tamen leproso hujus Articuli respectu docent præviâ S. Scripturæ autoritate, Christum in Statu profundissimæ Exinanitionis, nominatum in actu (ut ita dicam vel scribam) Passionis gravissima constitutum, Inferni etiâ dolores sustinuisse & cum gravissimis de abjectione & desertione à Deo Patre temptationibus lucatum fuisse, leproso, inquit, hujus Articuli respectu de Descensu ad Inferos, proprie non metaphoricè intellecti. Hoc sensu neque cæteri Patres à Bellarmino citati, neque Augustinus etiam, hunc Descensum ad Victoriam & Triumphum referentes, Evangelicis de distinctis distinctè sentientibus, sunt contrarii. Quia verò Bellarminus Evangelicorum & Calvini Sententiam confundens, aliquot argumenta ex Sacris pro Passione dolorum internalium adducit, adque ea respondere conatur, videndum præterea, num aliquid ex Augustino habeat subsidii. Scilicet perparum, cùm non, nisi ad duo argumenta, armis Augustini militaverit, utrobique tamen infeliciter. Et quidem ad argumentum numero tertium, quod agoniam in Horto exhibet à tribus Evangelistis prioribus descriptam , confert locum, ut ipsi videtur , parallelum , in quo Christus ob mortem Lazari turbatus legitur , Augustino ibi observante, *Christum non Joh. 11. animi infirmitate, sed potestate turbatum.* Atqui nulla planè hic intercedit parallelia & comparatio , ibi Christo coram tribunali Patris loco totius humani generis ad æternam mortem devoti stante, & tanquam Agno DEI peccata Mundi ferente ; hic autem ob Amici proximè Resuscitandi mortem non æternam sed triduanam turbato , ubi nemo non altius rem perpendens utriusque turbationis & tristitiae disparitatem videt. Nec quidquam magis ad præsens Institutum pertinens adfert Bellarminus ad argumentum ordine quintum ex Verbis Petri defumtum, quibus Christum doloribus Inferni solutum testatus est. Hoc oraculum ut Bellarminus iis eripiat , qui dolores Inferni Christum sustinuisse Scripturâ duce docent , duo ex Augustino subsidia accersit , & prius quidem in eo subsistens , quod dolores Inferni seu Mortis non indicium esse Act. II. putat Ite , tanquam cause generalis & remota , sed Benevolentia & gratia DEI specialis , tanquam cause particularis & proxima , aliqua insuper addens Scripturæ testimonia; confundendo iterum mortem primam secundâ, temporariam cum æternâ, quod ad oculum pater : Posterior autem in eo fundatum, quod idem Augustinus statuit, duplicum esse Sensum posse horum Petri verborum, unum, solitus Inferni doloribus , id Epist. 99. est , irritis effectis ; soluisse enim dolores Inferni Christum , non quibus tenebatur , sed ad Erod. quibus teneretur , quomodo solvi dicantur laquei venantium , non quia tenuerunt , sed ne teneant : Alterum , solitus Inferni doloribus , quibus Ipse teneri non poterat , sed quibus tenebantur alii , quos Ipse noverat liberandos. Sed quia Augustinus non expressè scribit , ita intelligi hæc verba debere , sed tantum ita intelligi posse , quod po-

posteriorem in primis attinet sensum, circa illius pleniorum intelligentiam notanter addens, esse temerarium definire, quinam sint isti, qui per Christum doloribus Inferni Petrus teste sunt liberandi vel liberati; ipseque Bellarminus non obscurè sensum priorem tanquam huc impertinentem repudiat. Lector Veritatis studiosus facile videat, parum vel nihil plane Bellarmine ex utroque Augustini testimonio contra Evangelicos accedere.

Ad tertiam hujus articuli de Descentu Christi ad Inferos explicationem ut veniam, adscribit eam Bucero & Bezae, quin ex parte Calvinus etiam Bellarminus, sepulturam per hunc Christi descentum intelligentibus; quæ Sententia etiæ iterum valde diversa sit ab Evangelicorum Sententiâ, aliquid tamen in Ejus ventilatione circa Augustini autoritatem venit observandum. Ut enim hanc Sententiam eò felicius refutaret Bellarminus, tria adsumsunt à se probanda, & primò quidem illud, *Inferos esse loca subterranea à se pulchris distincta*, idque præter alia ex Patribus etiam nominatum Augustino, ex cuius

Lib. II.  
cap. 24.

Lib. 12.  
cap. 33.

Retractionum libris sequentia adducit verba: *De Inferis magis mihi videor dicere debuisse, quod sub terris sint, quam reddere rationem, cur sub terris esse credantur sive dicantur, quasi non ita sit.* Retractavit hic loci Augustinus in genere Scriptum, quod vocavit de Genesi ad literam, id est, non secundum Allegoricas significaciones, sed secundum rerum gestarum proprietatem; de quo opere id præfertim notavit, quod in eo plura sint quæsita, quæ inventa, panceria autem firmata, cetera verò ita posita, velut adhuc requirenda sint. Dum verò in specie ad ultimi in eo opere libri retractionem venit, id de Inferis monuit, quod Bellarminus pro le vidimus citantem, jure an injuriâ, ipsa inspectio docebit. Ita autem ibi Doctor Augustus: *Vnde sub terris esse dicantur Inferi, si corporalia non sunt loca, aut unde Inferi appellantur, si sub terris non sunt, merito queritur.* Proposuit hic quæstionem, ad quam capite demum subsequentे respondit: *Ideo sub terris dicuntur Inferi vel creduntur, quia congruent in Spiritu per illas corporalium rerum similitudines sic demonstrantur, ut quoniam defunctorum anima inferis dignæ carnis amore peccaverunt, hocois per illas corporalium rerum similitudines exhibeatur, quod ipsi mortua carni solet, ut sub terra reponatur.* Denique Inferi, eò quod infra sit, Latinè appellantur. Sicut autem secundum corpus, si ponderis sui ordinem teneant, inferiora omnia sunt graviora; ita secundum Spiritum inferiora omnia sunt tristiora. *Vnde & in Gratâ Lingua Origo nominis, quo appellantur Inferi, ex eo, quod nihil suave habeant, resonare perhibetur.* Et eundem in finem eo in loco Augustinus perhibet, *Illud me nondum invenisse confiteor, Inferos appellantos, ubi Inistorum anima requiescunt.* Et iterum: *Nondum inveni, & adhuc quero; nec mihi occurrit, Inferos alicubi in bono posuisse Scripturam duntaxat Canonitam.* Addenda fuerunt hæc posteriora ideo, quia in proximè sequentibus suum occupabunt locum, ibi in primis, ubi Bellarminus contra tertiam Articuli de Descentu ad Inferos Explicationem secundò probandum adsumsunt, animas piorum ante Christi ascensionem non fuisse in Cælo, idque iterum Augustini autoritate, docentis non solum, animam Samuelis adparentem Sauli de terra visam esse descendere, sed adfirmantis, *Sinum Abraham in Inferno fuisse, quod utrumque Examini subjiciendum est*, an vere ita Augustinus statuerit, num secus?

Et prius quidem quod attinet, scilicet animam Samuelis adparentem Sauli de terra, de quâ ipse Bellarminus testatur, non deesse, quia negant, illam fuisse veram Samuelis animam; si locum ad quem remisit Lectorum Bellarminus, inspiciamus, hæc ibi legenda exhibentur: *Samuel Propheta defunctus vivo Sauli etiam Regi futura prædictum, quamvis non nullum non ipsum fuisse, qui potuisset Magicis artibus evocari, sed aliquem spiritum tam malis operibus congruentem, illius existimant similitudinem figurasse.* Ad quæ verba non melius respondeatur, quæ si inquiramus, quid alibi Augustinus hic Doctor circa hanc adparitionem scriperit, & quidem multo prolixius, adque præsens Institutum longè accommodatus. Postquam enim ex communi Sententiâ ad hanc

ad Sim. plic. lib. II hoc factò potest esse alius facilior intellectus & expeditior exitus, ut non verè spiritum Samuelis excitatum à requie sua credamus, sed aliquid phantasma & imaginariam illusionem Diaboli machinationibus factam, quam Scriptura nomine Samuelis properea appellat, quia solent imagines earum rerum nominibus appellari, quarum sunt imagines; sicut omnia, que pinguntur aut singuntur ex aliquâ parte materie, Metalli aut lighi, vel cuiuscunque rei rerum, quarum sunt imagines, appellari nominibus solent. Et post aliqua: *Si igitur liquido*

con-

de cura  
pro mort.  
cap. 15.

constat, nominibus earum rerum, quarum sunt imagines, easdem adpellari imagines; non mirum est, quod Scriptura dicit Samuelum visum, etiam si forte imago Samuelis visa adparuit, machinamento ejus, qui transfigurat se velut in angelum lucis, & ministros suos velut ministros iustitiae. Ut plura his similia ex Augustino hic transcribantur loca opus non est, cum ex his post Serarium & alios Commentatores non ita pridem Scherlogus ingenuè agnoverit, Augustinum non plenè iis ad sensisse, qui verum Samuelem adparuisse existimant; Ebr. lib. I.<sup>Antiqu.</sup>  
sed Quæstionem in utramque partem disputasse, eam insuper de circumstantia temporis Dissert. 4<sup>lib. II, c. 6</sup>, à larvato Samuelie praesignati & praesignificati difficultatem proponens, quam omnino pag. 109.  
tolleste non potuit. Addendumque præterea, Eruditissimum nuper Judaicæ gentis Scriptorem, Menasseh Ben Israel, in de Resurrectione Mortuorum Tractatu, etiam agnoscisse, Augustinum non à Pythonis Samuel esse suscitatum, sed Dæmonem seu Spiritum aliquem adparuisse sub persona Ejus, existimasse; quam Augustini Sententiam esti Conf. Rabbinus ille impugnat, aliamque substituit sibi visam meliorem, nugas tamen agit, Hacksp. Syll. Diff. more his hominibus non inservo: Patet inde, quia Augustinus non solum dubitante fert. p. 246 hanc Quæstionem tractavit, sed & magis in eam propendit Sententiam, quæ Bellarmi- no est contraria, malè & minus sincere Eum egisse, Augustinum cum aliis ad suum trahendendo propositum, à quo tamen, ut constat jam, non parum fuit alienus, id quod etiam circa posteriorem Ejus de Sinu Abrahæ Sententiam proxime fieri manifestum.

Quamvis enim fateatur Bellarminus, videri ambigere Augustinum, an sinus Abrahæ, ubi olim animæ Patrum erant, in Inferno esset, an alibi; alibi tamen adfirmare Eum, in Inferno fuisse, statuit. Respondeo, et si Augustinus in posteriore loco videatur adfir- lib. 20. de mare, Sinum Abrahæ in Inferno fuisse, Eum alibi tamen non ambigere, sed certo sta- tuere, non fuisse in Inferno. Ne quid Sancto Patri adstringatur, aut ulla Ei inferatur in- juria, lubet Ejus utrobique exscribere Verba. Et in posteriore quidem loco ita scribit: Se non absurdè credi videatur, antiquos etiam Sanctos, qui venturi Christi tenuerunt fidem, locis quidem à tormentis impiorum remotissimis, sed apud Inferos fuisse, donec eos inde Christi Sanguis, & ad ea loca Descensus erueret: profecto deinceps boni fideles effuso illo pretio jam redemti prorsus nesciunt Inferos, donec etiam receptis corporibus bona recipient, que merentur. Ubi nemo non videt, scripsisse hæc Augustinum ex certâ hypothœ quadam, eâque non omnino indubitate, adeoque nec ita inter Christianos Recepta, cui nihil contradicere aut scribere licuerit, & hinc non pro infallibili dogmate Augustinum hoc, quidquid est, proposuisse aut adfirmasse, neque id etiam, quod exinde deduxit, ita accipiendo esse, aut accipi voluisse; præprimis cum alibi Eum non dubitanter solum de hoc scripisse, sed & contrariam planè Sententiam defendisse certum sit. Dubitanter, inquam, ex parte, quamvis ita etiam, ut in ipsâ dubitatione, quorsum præprimis incli- naverit, aperte satis manifestaverit, ita scribens: Vtrum Sinus Abrahæ ubi dives impius, Epist. 57. cùm in tormentis esset Inferni, requiescentem videt pauperem, vel Paradiſi cœlendus voca: ad Dar- bulo, vel ad Inferos pertinere existimandus sit, (non) facile dixerim. Quamvis, si quod dan. res est, dicē debet, Augustinus hic non videatur particulam hanc negativam de suo addidisse, sed eam aliunde, manu non usque adeò fideli insertam esse. Constatib illud, si sequentia Ejus verba attendantur: De illo quippe divite legimus dictum esse, Mortus est & sepultus in Inferno; in pauperis autem morte vel Requie Inferi non sunt nomi- nati, sed, contigit mori in opem illum, & auferri ab Angelis in Senum Abrahæ. Deinde di- viti dixit Abraham, Inter nos & vos magnum chaos firmatum est, tanquam inter Inferos se- desque Beatorum. Non enim facile alicubi Scripturarum nomen Inferorum in bono inveni- tur possum. Et eo in loco, ad quem Bellarminus provocavit: Inferos uspiciat Scri- pturarum in bono adpellatos non potui reperire. Quod si nusquam in Divinis Authorita- tibus legitur, non utique Sinus ille Abrahani, id est, secreta cuiusdam quietis habitatio, ali- qua pars Inferorum esse credenda est. Quanquam in his ipsis tanti Magistri verbis, ubi ait dixisse Abramum, inter vos & nos chaos magnum firmatum est, satis ut opinor ad- pareat, non esse quandam partem & quasi membrum Inferorum tantæ illius felicitatis se- num. Chaos enim magnum quid est, nisi hiatus quidam, multum eas separans, inter qua non solum est, verum etiam firmatus est. Addo insuper testimonium ex eo loco, unde ad primum Bellarmini observatum, circa tertiam Articuli de Descensu ad Inferos Ex- plicationem, aliqua huc pertinentia in antecessum fuere excepta: Neque Abraham Lib. 12. de vel ille pauper in Sinu Ejus, hoc est, in Secreto quietis ejus, in doloribus erat, inter Gen. ad lit. c. 33. quorum Requiem & alia Inferni tormenta magnum chaos legitimus firmatum. Sed nec apud Inferos

Tomi I. Controversiae II.

80  
*Inferos esse dicti sunt. Contigit enim mori inopem illum, & adferri ab Angelis in Sinum Abrahe. Mortuus est autem & dives, & sepultus est; & cum apud Inferos in tormentis esset &c. Videmus itaque, Inferorum mentionem non esse factam in requie pauperis, sed in supplicio divitis. Et post aliqua: Non in bono accipendum Abrahe sinum & illum requiem, quod ab Angelis pius pauper est ablatus, nescio, utrum quisquam possit audire; & ideo, quomodo eum apud Inferos esse credamus, non video. Omnia clarissime mentem de*

Quæst. Evang. lib. II. Quæst. 38. Concord. Evang. c. 97. p. m. 244. Adpar. ad Orig. Eccl. num. I. pag. 63. seqq.  
*hoc suam expressit augustus Doctor, sequentia scribens: Sinus Abrahe Requies & beatorum pauperum, quorum est regnum Cælorum, in quo post hanc Vitam recipiuntur. Quæ cùm fatis sint manifesta, ut manifestiora vix esse potuerint, modò oculus accedat in corruptus, iansemium Gandavensem è adegerunt, ut post alia etiam Augustini testimonia, quæ ibi non parcè adducuntur, agnoscere debuerit, Augustinum disputando collegisse, Sinum Abrahe non fuisse aliquam Inferni partem. Quibus si accedant loca, quæ Monta. hujs Controversiæ à Bellarmino mota plenariam ex Augustino decisionem ulterius possit aut debeat requiri, super planè non est. Sufficient autem hæc ad præsens Institutum, ut constet, non verè Bellarminum scripsisse, Augustinum adfirmare, Sinum Abrahe in Inferno esse vel fuisse, contrario ex non unis Ejusdem testimoniis haec tenus demonstrato, & si fuerit necessum, pluribus adhuc demonstrando.*

*Ad tertium nunc accedimus, quod circa tertiam Articuli de Descensu ad Inferos Explicationem Bellarminus adsumit probandum, Christum verè ad Inferos descendisse, in quo etsi Evangelicos non habet dissentientes, in eo tamen ab eis discedit, dum secundum Animam solum descendisse Christum defendit, motus Oraculo Regii Psalmis, nomine*

Psal. 16. Epist. 99. ad Evod.  
*Pentru Messiae Patrem rogantis, ne Animam relinquat in Inferno, quod de Animâ & Inferno sine omni Tropo vel Rhetorico vel Grammatico præter alios Ecclesiæ Doctores Augustinum quoque memorat exposuisse, cuius quæ super hæc re fuerit Sententia, optimum erit ex Ejus Verbis percipere, quæ loco per Bellarminum citato ad præsens Institutum pertinencia hæc leguntur: Dominum carnem mortificatum venisse in Infernum, satis constat. Neque enim contradicere potest vel Prophetia, quæ dixit, Quoniam non derelinques Animam meam in Inferno, quod ne aliter quisquam sapere auderet, in Actibus Apostolorum idem Petrus exponit; vel ejusdem Petri illius verbis, quibus Eum adserit solvissimæ Inferni doloris, in quibus impossibile erat Eum teneri. Hæc verba Augustini si absque conceptu prævio vel præconcepta opinione expendantur, nullo planè modo, Christum animâ solum ad Inferos descendisse, sed contrarium potius evincunt, ut potè sistentia Christum solutis Inferni (vel juxta Græcum, Mortis) doloribus, atque adeò carne mortificatum ad Inferos descendenterem, quo Augustinus pro Evangelicorum Sententiâ hic quidem loci nihil apertius dicere aut scribere potuisset. Ethosum omnino debent referri, quæ sub fine Epistolæ augustus hic Doctor iteratè monuit: Mortificatus carne dictus est, quia secundum solum carnem mortuus est; vivificatus autem Spiritu, quia illo Spiritu operante, in quo, ad quos solebat, veniebat & predicabat. Posito autem, vel hic vel alibi Augustinū statuisse, Christum animâ solum ad Inferos descendisse, ad hanc tamè Augustini Sententiam, cui contraria citatis modò verbis audiuvimus, tam non teneremur Evangelici, quam scilicet Bellarminus obligatum non sensit ad probandam Ejus Explicationem ora-*

Epist. 2. Vid. D. Gerh. Comment. h. loc. p. 479. conf. D. König. Vind. S. pag. 235.  
*cili illius Petrini, quod Bellarminus dixit obscurissimum, ad hunc Articulum quam maximè pertinentis, ut potè aliquot argumentis à Bellarmino refutatum, quæ tamen ipsa suum adhuc requirunt Examen, ab Aliis jam præoccupatum, adeoque hic prolixius non repetendum. Id quod repetitæ vice intermiscerit Bellarminus, Augustinum post hec cognovisse, Sinum Abrahe in Inferno fuisse, ex paulò antecedentibus suum accipere potest & debet responsum. De cætero ambabus quod ajunt amplectimur ulti, quod Bel-*

*larminus in recensione testimoniorum de hoc Fidei Articulo à Patribus Græcis & Latinis suo ordine collectorum ex Augustini citata sepius Epistolâ adduxit: Quis nisi in fidelis negaverit, fuisse apud Inferos Christum? Quod autem ex eodem addit, secundum Animam solum fuisse Eum apud Inferos, Augustino relinquimus eodem jure, quo Bellarminus Ejus explicationem oraculi Petrini refutandam sibi sumisit, quamvis hanc de Descensu Animæ Sententiam ex ipsis Augustini & S. Scripturæ verbis improbabilem esse sit demonstratum. Quæ præterea circa quartam hujus Articuli de Descensu ad Inferos Explicationem ex Augustini Libro de curâ pro mortuis à Bellarmino inferuntur de possibilitate presentie in certo quodam loco præter operationem, & ipsius quoque operationis Animæ extra corpus suum: item de adparationibus Sanctorum post mortem,*

mortem, quia præcisè huc non pertinent, sed in specie ad eam Questionem, ubi inferius de Cultu Sanctorum agetur, corsum quoque nunc ea inter discutienda reservantur.

Nunc pauca adhuc restant ex ultimo capite tribus tantum verbis tangenda, ne quid planè prætermissum maneat. Aliquot adpendicis loco Bellarminus proponit dubia, circa quorum ventilationem hic & ibi occurrit mentio Augustini. Et circa pri-  
mum quidem dubium, *Ad quæ Inferni loca Christus descendit*, monet Augustinum do-  
cuisse, *Christum descendisse ad ea Inferni loca, ubi erant dolores & tormenta*, nulla tamen  
tormenta, nullosque passum dolores, quod circa secundi dubii tractationem Evangelicis  
consentientibus defendit Bellarminus. Ad tertium vero, *Quid Descensus Christi  
contulerit animabus Iustorum*, dum Augustinus scribit, *nondum se invenisse, quod contulerit*,  
& Bellarminus præmisso Thome responso sibi non sufficienti statuit, *Augustinum ita scri-  
bentem nondum cognovisse, ubi fuerit Sinus Abrahe, inque eam partem fuisse propensum, ut  
non esset in Inferno*, & propterea hoc manente dubio Eum merito dixisse, *nondum posuisse se  
intelligere, quid descensus Christi ad Inferos iusti contulerit*; facilè videt Lector, quam ad  
incitas redactus fuerit Bellarminus, id de Augustino sentiens, cuius contrarium paulò  
ante ex aliquo Ejus testimoniis ostensum fuit, *Iansenio etiam Gandavense id vi Verita-  
tis agnoscere*. Circa quartum, quod superest, dubium, *An prater animas Iustorum,  
que erant in Sinu Abrahe, aliqua alia sint liberatae*, et si apud Evangelicos neque hoc, ne-  
que illud in questionem veniat, sed utrumque æqualiter repudietur; quia tamen in ejus  
resolutione Augustini intermixtam voluit autoritatem Bellarminus, prætermitti o-  
mnino non potest aut debet. Distinguit autem inter animas Gehennæ & Purgatorii.  
De illis monet, *Philastrium & Augustinum in de Hæresibus, hæresin esse dicere, si quis adse-  
rat, ullos in Inferno impios Christo prædicante conversos esse & salvatos*, quod haec tenus con-  
tra Evangelicos non est. De his autem dubitanter loqui videtur, ut ut magis in beni-  
gniorem inclinans Sententiam, quam confirmari posse existimat iii Augustini verbis,  
qua ex laudata saepius Epistola superius jam fuere proposita, quibus Pater Sanctus ver-  
ba Petri de solutis Inferni doloribus intelligi posse scriptis etiam de iis doloribus, quibus  
*Ipse Christus teneri non poterat, sed quibus tenebantur alii, quos Ipse neverat liberandos*: ubi  
quia Bellarminus putat Augustinum non loqui de animabus Sanctis, quæ erant in Sinu  
Abrahæ; nec de animabus impiis, utpote quas absurdissimum existimabat fuisse Christo  
ad Inferos descendente conversas; refutare, ut loquatur de animabus, que adhuc purgatoriis  
luebant pœnas, quas tamen pœnas, quia suo infra loco demonstranduntur, Augustinum  
constantiter non agnovisse, per se cadit, Eum hic eas intelligi voluisse; ut non  
prolixè repeatam, quod supra jam monui, Augustinum hanc verborum Petri explica-  
tionem non tanquam omnino certam & indubiam, sed possibilem suam Sententiā, & ut  
hodiè loqui amant, probabilem Lectori exhibuisse, quam si hodiè viveret, certò certius  
quam maximè improbabilem haberet, & sine dubio repudiaret.

---

LIBRI QVINTI,  
DE  
CHRISTO,  
CAPVT TERTIVM & seqq.  
DE  
*Christo Mediatore.*

**Q**Uæ enim in duobus primis capitibus, nominatim secundo contra errorem  
Stancari, Christo opus & officium Mediationis secundum Humanam solum Na-  
turam adscribentis, habet, quia illius erroris communio Evangelicos planè non  
attingit, sicco prætereuntur pede, adque eam fit accessus Questionem, quæ inter nos &  
Papistas quam-maximè est controversa, *An videlicet Christus sit Mediator secundum Di-  
vinam quoque Naturam?* In cuius ventilatione et si Bellarminus Nestorianismum, ad  
quem deflectere errorem Stancari scripsit, à se procul remotum esse velit, nimis propè  
tamen